



Bidasoa - Txingudi

BIDASOA-TXINGUDI MUGAZ GAINDIKO PARTZUERGOA

2026 EKITALDIKO AURREKONTU OROKORRA

MUGAZ GAINDIKO PROIEKTUAK SUSTATZEKO LAGUNTZEN EMAKIDA ARAUTZEN DUTEN OINARRIAK - HIRUAK BAT



Bidasoa - Txingudi

1- KONTSIDERAZIO OROKORRAK

Apirilaren 2ko 7/85 Legearen III. kapituluko 25.2 m) artikulua Udalei esleitzen dizkie kultura eta kirol jarduerak edo instalazioak garatzeko eskumenak.

Hondarribia, Irun eta Hendaiako Udalek 1999ko urriaren 22an Bidasoa-Txingudi Mugaz Gaindiko Partzuergoa osaturik, eta Partzuergoaren Estatutuen 3. artikuluan xedatutakoarekin bat etorrira, aipatutako Udalek eskumenak ematen dizkiote Partzuergoari turismo, kultura, gizarte eta garapen ekonomikoaren arloetan baterako ekimenak gauzatzeko.

Testuinguru horretan, balioa eman nahi zaio mugaz-gaindiko kolaborazio kontzeptuari, batzen, ordezkatzeko eta identifikatzeko gaituen elementutzat harturik. Kontzeptu hori eragilea izan daiteke diziplina askotako proiektuak eraikitzeko, proiektu global batean baita jatorria. Era berean, bide bat eta ekimen bat izan daiteke hiru udalerrietako batean dauden elkarteak edo enpresak harremanetan jartzeko eta hiru hirien artean baterako proiektuak egiteko, edo esparru asoziatiboetan lan egiteko eta/edo maila profesionaleko jarduerak proposatzeko. Mugaz gaindiko kultura eta identitate partekatua sustatu nahi da, hurbileko inpaktua duten proiektu zehatzen bidez: mugaz gaindiko errealitatea aniztasunaren barruko batasunaren mezu gisa.

Horrexegatik proposatzen da mugaz gaindiko proiektuak Partzuergoaren eskumenean esparruan sustatzeko diru-laguntzen emakida arautzen duten oinarriak onartzea, bertan arautzen baita adierazitako xedea duten diru-laguntzak eskatzeko, emateko eta ordaintzeko prozedura, Diru-laguntzei buruzko azaroaren 17ko 38/2003 Lege Orokorraren edukia araberaren arabera, eta lege horretan xedatutakoak izango dira aplikagarri oinarri hauek arautzen ez duten guztian.

2- XEDEA

Oinarri hauen xedea da Bidasoa-Txingudi Mugaz Gaindiko Partzuergoarentzat lehia-bidezko dirulaguntzak arautzea, mugaz gaindiko proiektuak sustatzeko. Proiektu horiek hiru hiriak inplikaturik dituzte turismoan, ondarean, kulturean, hiru-eremuean, gazterian, kirolean, gizarte-ongizatean, mugikortasunean, ingurumenean edo intereseko beste eremu batzuetan. Proiektu horiek deialdiaren ekitaldian hasiko dira gauzatzeko, eta gehienez ere 12 hilabeteko iraupena izango dute. Proiektu horiek, gainera, lurralde-koheretza, hiru hirien herritarren arteko elkar ezagutzea eta trukea, Bidasoaren bi aldeetako erakundearen arteko sarea eta lankidetzaren, bizitza soziala, kulturala eta asoziatiboa integratzea, lurraldeko 3 hizkuntza ofizialen erabilera bermatzea, eta Irun, Hondarribia eta Hendaiako hiru udalerrietan zabaltzea lagundu egiten behar dute, horietan araututako irizpide eta baldintzen arabera.

3- ESKAERAK

1. Indarrean dagoen legediaren arabera eraturiko pertsona fisikoek edo juridikoek eskatu ahal izango dituzte Oinarri hauen bidez arautzen diren diru-laguntzak. Pertsona fisiko edo juridiko horiek dagozkien erregistroetan inskribatuta egon behar dute, eta Bidasoa-Txingudi Mugaz Gaindiko Partzuergoa osatzen duten hiru hirietako batean izan behar dute egoitza soziala.



Bidasoa - Txingudi

2- Erakunde onuradunaren betebeharrak dira:

- a) Diru-laguntzaren xede den jarduera antolatzea eta burura eramatea.
- b) Jarduera honetatik eratorritako eskuorri, afixa, seinale, komunikazio eta informazio guztietan, Bidasoa-Txingudi Mugaz Gaindiko Partzuergoak jardueraren antolakuntzan duen lankidetzan agerian geratzen dela bermatzea, eta HIRUAK BAT programaren irudia zabaltzea.
- c) Hiru hirietan ahalik eta parte hartze eta oihartzun handiena izatea bermatzea.
- d) Bidasoaren alde bietan sustatutako eta antolatutako ekitaldian Partzuergoko hiru hizkuntza ofizialak erabiltzea.

3- Ezin izango dituzte oinarri hauetan araututako diru-laguntzak jaso:

- a)-. Diru-laguntzei buruzko azaroaren 17ko 38/2003 Lege Orokorraren 13.2 eta 3 artikuluan aurreikusitako egoeraren batean gertatzen diren proposamenek.
- b)-. Konstituzioak bermatutako eskubideak (14. artikulua: Diskriminazioa sorleku, arraza, sexu, erlijio edo iritzi zioak tarteko) urratzen dituzten elkarte edo entitateetatik etorritako proposamenek.
- c)-. Ez dira aintzat hartuko Bidasoa Txingudi Mugaz-gaindiko Partzuergoaren aurreko bi ekitaldietako deialdietan diru-laguntzen onuradun izanik, lehendik jasotako diru-laguntzei dagozkien gastuak aurreikusitako epeetan eta behar bezala justifikatu ez dituzten elkarte edo entitateetatik etorritako proposamenak.

4- BATERAGARRITASUNA BESTE DIRULAGUNTZEKIN

Oinarri hauetan aurreikusitako diru-laguntzak ez dira bateragarriak Irun, Hondarribia eta Hendaiako Udalek xede berari begira emandako beste udal laguntzekin. Aitzitik, bateragarriak izango dira helburu bererako beste Administrazioek, erakunde publiko edo pribatuek, nazionalek, Europar Batasunekoek edo nazioarteko erakundeek emandako beste edozein diru-laguntza, laguntza, diru sarrera edo baliabideekin.

Beste laguntza batzuk jasoz gero, laguntza guztien baturak ezin izango du diruz lagundutako jardueren kostua gainditu. Bestela, deialdi honen kontura emandako diru-laguntza gutxituko da dagokion kopuruan.

5-ZENBATEKOAREN MUGA ETA AURREKONTUA ESLEITZEA

Oinarri hauetan araututako dirulaguntzen gehieneko zenbatekoa dirulaguntzaren xede den proiektuaren kostu osoaren % 90era iritsi ahal izango da gehienez, eskura dagoen funtsaren eta lortutako puntuazioaren arabera. Zenbateko hori, beste laguntza publiko batzuekin batera, ezin izango dira jardueraren guztizko kostuak gainditu.

Beraz, dirulaguntzaren zenbatekoaren muga gorena onuradunaren alde murriztuko litzateke superabita izanez gero.

Erakunde onuradunak ez badu BEZ berreskuragarririk, kostuak BEZa barne dela kontabilizatuko dira; bestela, BEZik gabe kontabilizatuko dira.



Bidasoa - Txingudi

Oinarri hauen ondorioei begira, 20.000 euroko kopurua dago esleituta Bidasoa-Txingudi Mugaz Gaindiko Partzuergoaren aurrekontuan ekitaldi honetan zehar. Kopuru hori deialdiaren xede izango da abenduaren 31 baino lehen urte honetan.

Beraz, zenbateko hori da diru-laguntzen kontzeptuan eman daitekeen kopuru maximoa, betiere kanpotiko diru sarrerei buruzko aurrekontu aurreikuspenak betetzen badira eta kontuan izanik aldaketak egin daitezkeela dagozkion aurrekontuetan.

6- ESKAERAK ETA AURKEZTEKO EPEAK

Diru-laguntzak eskatu nahi dituzten pertsona fisiko eta juridikoek behar dituzte, eskabidea aurkezteko, eskabideak eta jarraian aipatzen den dokumentazioa consorcio@bidasoa-activa.com helbide elektronikora bidali muga eguneko 14:00etarako, edo Bidasoa-Txingudi Mugaz-gaindiko Partzuergoaren bulegoetara eraman [helbidea: Ducoureau jauregia, Hendaia 8, 20301 Irun], astelehenetik ostiralera bitartean, 09:00etatik 14:00etara, jaiegun eta zubietan izan ezik, **DEIALDIA OFIZIALKI ARGITARATU ETA BI HILABETEAN.**

1. Entitatearen eta harremanetarako pertsonaren datuak identifikatuko diren instantzia.
2. Identifikazio fiskaleko zenbakiaren eta erakundearen erregistroaren fotokopia edo baliokidea.
3. Ogasunarekiko betebeharrak eta, hala badagokio, Gizarte Segurantzarekikoak egunean daudela egiaztatzen duten ziurtagiriak, egoitza Gipuzkoan duten erakundeen kasuan instantzian informazio hori zuzenean eskuratzeko baimena ematen denean izan ezik.
4. Programaren deskribapena eta sarreren eta gastuen aurrekontua, BEZ berreskuragarriaren edo berreskuraezinaren erregimenaren aitopenearekin batera.
5. Helburu bererako beste diru-laguntzarik eskatu den ala ez adieraztea.
6. Hala badagokio, entitateen arteko akordio protokoloa edo baliokidea.
7. Kontuaren titulartasun agiria.
8. Diru-laguntzei buruzko azaroaren 17ko 38/2003 Lege Orokorren 13.2 eta 3 artikuluetan aurreikusitako egoera bakar batean ere ez egotearen adierazpena.
9. BEZ berreskuragarriari edo berreskuraezinari buruzko adierazpena.

Instrukzio organoak egiaztatzen badu aurkeztutako dokumentazioa osatu gabe dagoela edo oinarri hauetan exijitutako betebeharrak betetzen ez dituela, erakunde edo pertsona eskatzaileari hamar eguneko epea emango dio akatsak zuzentzeko edo nahitaezko dokumentuak aurkezteko, eta, hala egiten ez badu, eskaera aintzat hartuko ez dela ohartaraziko dio, Herri Administrazioen Araubide Juridikoaren eta Administrazio Prozedura Erkidearen 39/2015 Legearen 68. artikuluan aurreikusitakoaren arabera.

Dokumentazioa aurkezten ez bada galdu egingo da diru-laguntzaren onuradun izateko aukera. Era berean, datuak ezkutatu edo faltzutuz gero, galdu egingo da diru-laguntza horiek eta, hala badagokio, etorkizuneko diru-laguntzak jasotzeko eskubidea.

Ez da onartuko eskuz egindako eskabiderik.

7- DIRULAGUNTZEN EBALUAZIOA ETA DIRULAGUNTZAK EBAZTEKO ORGANO ESKUDUNA



Bidasoa - Txingudi

Eskaerek onarpen-baldintza guztiak bete beharko dituzte. Zuzendu beharreko onarpen-baldintzak betetzen ez baditu, 10 egun balioduneko gehieneko epe luzaezinean zuzendu beharko dira, jakinarazpena egin eta hurrengo egunetik aurrera. Epe hori igaro eta zuzenketarik egin ez bada, eskabidea baztertu egingo da.

Partzuergoko Zuzendaritza Batzordeak aztertuko ditu eskabideak, instrukzio-organok txosten teknikoak aurkeztu ondoren, eta Partzuergoko Presidentetzari dagokio, bere proposamena ikusita, diru-laguntza ematea ebatzea, hala badagokio, ebazpen bidez. Ebazpen horretan, hala badagokio, organo instrukzio-egileari aholku eman dioten udal-ordezkariek aipatuko dira, betearazpena kontrolatzeko.

Eskaera aurkezteak ez du berez diru-laguntza jasotzeko eskubiderik ematen, diru-laguntza orok berez duen hautazko izaera izango du emakidak, eta diru-laguntza emateko, ezinbestekoa izango da dagokion aurrekontu atala izatea.

Diru-laguntzen deialdian finkatutako irizpideen arabera lortutako puntuazioaren hurrenkeran eta proportzioan emango dira diru-laguntzak, ekitaldi honetan zehar Aurrekontuen aurrekontu esleipena agortu arte.

Epaimahaiak diru-laguntzak osorik edo zati batean eman gabe uzteko proposamena egin ahal izango du. Hala bada, bigarren deialdia egiteko aukera balioetsiko da.

8- ERAKUNDE LAGUNTZAILEA

Bidasoko Garapen Agentzia, S.A.ri (Bidasoa bizirik) dagokio oinarri hauetatik eratorritako laguntzak emateko kudeaketa eta izapidetze lanak bideratzea eta Bidasoa-Txingudi Mugaz gaindiko Partzuergoaren izenean eta kontura laguntzak ematea eta banatzea. Hori guztia Partzuergoaren jarduerak eta programak kudeatzeko lankidetzak hitzarmenean oinarrituta.

9- INSTRUKZIO ORGANOA

Erakunde Laguntzaileak Bidasoa-Txingudi Mugaz gaindiko Partzuergoaren esku jarritako teknikari taldeari dagokio emandako laguntzen argitalpena, emakida, jarraipena eta kontrola izapidetzea eta dagozkion espedienteak egitea.

Organo instrukzio-egile horrek, kasuaren arabera, eskatutako dirulaguntza bakoitzaren tratamendu-eremuari dagozkion udal-zerbitzuen aholkularitza eskatu ahal izango die, edo, halakorik ezean, Partzuergoko kide diren udalerri bakoitzak adierazitako ordezkari.

10- DIRULAGUNTZAK ORDAINITzea ETA GASTUAREN FROGAGIRIAK

Dagozkion izapidetze administratiboak egin ondoren, erakunde laguntzaileak ordainduko ditu diru-laguntzak. Diru-laguntza horiek behin bakarrik ordainduko ditu, behin Partzuergoari memoria eman ondoren.

Hala eta guztiz ere, egoki irizten denean, onartutako diru-laguntzaren zenbateko osoaren % 50 ordaindu ahal izango da, gehienez ere. Aurrerakin gisa ordainduko da, Partzuergoko Lehendakariaren ebazpen bidez diru-laguntzak esleitzeko ebazpena



Bidasoa - Txingudi

eman ondoren, eta entitate onuradunak ez du egikaritzeko berme finantzarioak aurkezteko obligazioa izango.

Onartzen den diru-laguntzaren guztizko zenbatekoa edo % 50eko bigarren ekarpena ordaintzeko entitate jasotzaileek behar dute jarraian aipatzen den dokumentazioa consorcio@bidasoa-activa.com helbide elektronikora bidali muga eguneko 14:00etarako, edo Bidasoa-Txingudi Mugaz-gaundiko Partzuergoaren bulegoetara eramane [helbidea: Ducoureau jauregia, Hendaia 8, 20301 Irun], astelehenetik ostiralera bitartean, 09:00etatik 14:00etara, jaiegun eta zubietan izan ezik :

1. Diru-laguntza justifikatzeko instantzia (Partzuergoaren egoitzan oinarri hauekin batera eskuragarri dauden justifikazio ereduekin bat etorrita).
2. Memoria osoa, oinarri hauetan adierazitako irizpide eta baldintzekiko errespetua justifikatuz.
3. Egindako gastuen egiaztagiriak (fakturen edo ordainketa agirien kopiak), diruz lagundutako jardueraren garapenak eragindako proiektuaren gastu guztiei buruzkoak.
4. Aipatutako ez gaindi bestelako diru-sarrerarik ez jaso izanaren aitortpena.
5. Gastuak eta sarrerak justifikatzeko kontua.
6. Proiektuaren irudiak eta ikus-entzunezkoak.

Aurkezteko gehienezko epea honako hau izango da:

- a) **2 hilabete**, jarduera amaitu ondoren;
- b) edo **2 hilabete**, diru-laguntza eman dela jakinarazi ondoren, jarduera ebazpena baino lehen amaitu bada;
- c) Nolanahi ere, deialdiaren hurrengo urteko **abenduaren 31 baino lehen**.

Hauexek dira diru-laguntzen pertsona edo entitate onuradunen betebeharrak:

- Partzuergoari laguntzak egiaztatzeke eta kontrolatzeko eskatzen duen guztia ematea.
- Diru-laguntza jasotzerakoan aldaketa objektibo edo subjektiboren bat gertatzen bada, Partzuergoari jakinaraztea.
- Partzuergoari jakinaraztea laguntza harez gain helburu bererako beste laguntza, diru sarrera edo baliabide batzuk jasotzen baditu, sektore publikokoak zein pribatukoak.
- Diru-laguntza eman den xede zehatzerako erabiltzea.

Diru-laguntzaren xede den jarduera eskaeran adierazitakoaren arabera eramango da burura. Diruz lagundutako gastu guztiak egikaritzen ez badira, modu proportzionalen murriztuko da emandako diru-laguntzaren zenbatekoa.

Era berean, superabita egiaztatzen bada, dagokion aldea kenduko zaio emandako diru-laguntzaren zenbatekoari.

Diru-laguntzei buruzko lege orokorraren 31. artikuluan xedatutakoarekin bat etorrita, diruz lagundu daitekeen gastutzat hartuko da diruz lagundutako jardueraren izaerarekin guztiz bat datorrena, behar-beharrezkoa dena eta deialdi honetan



Bidasoa - Txingudi

aipatzen den ekitaldiaren barruan egin eta ordaintzen dena. Diruz laguntzeko moduko gastutzat hartuko dira, ordaintzeke egon arren, diruz lagundutako jarduera gauzatzeko epea amaitu aurreko bi hilabeteetan egindako fakturak.

Diruz laguntzeko moduko gastutzat hartuko dira, ordaintzeke egon arren, diruz lagundutako jarduera gauzatzeko epea amaitu aurreko bi hilabeteetan egindako fakturak.

Diruz lagundu daitezkeen gastuak dira:

- Ekitaldia burutzeko kontratatutako edo jarritako langile gastuak, gehienezko emandako diru-laguntzaren %50-a izanik (orduko gehienezko kostua: 35 euro eskura jarritako langile propioen kasuan – 69 euro kanpoko zerbitzu baten bidez kontratatzen bada).
- Proiektuaren komunikazio eta kartelgintza gastuak.
- Garraio, dieta edo joan-etorri gastuak emandako diru-laguntzaren %10 gehienez.
- Kanpo zerbitzuak emateko gastuak.
- Itzulpen eta interpretatze gastuak.
- Erabili beharreko materialak erosteko gastuak.
- Itxiera ekitaldiko catering, sari edo antzeko gastuak emandako diru-laguntzaren %10 gehienez.
- Proiektuaren egikaritzeari lotutako gastu orokorrak (telefonía, inprimaketak, zigiluak, mezularitza, papergintza...) emandako diru-laguntzaren %5 gehienez.

Oharra: Oinarri hauen xede diren laguntzak justifikatzeko, diruz lagundutako jardueraren % 100 gauzatzeko beharrezkoak diren prestazioak hirugarrenekin kontratatuz gauzatzea onartuko da.

Ez dira justifikagarritzat onartuko:

- Erakunde eskatzailearen berezko administrazio, langile edo antolaketa kostuak, jarduerarekin zerikusirik ez dutenak.
- Zuzeneko onuradunaren nominak pertsona fisikoen kasuan, edo Zuzendaritza Batzordeko kideenak erakunde eta pertsona juridikoen kasuan.
- Ostalaritza zerbitzuei dagozkien bazkarien, afarien eta bestelakoekoen kostuak, salbu eta diruz lagundutako jardueran parte hartzen dutenekin lotuta sortutakoak.
- Faktura edo ordainagiria egitea eragin duten jarduerari dagozkien gastu oharrak.
- Zuzendaritza Batzordeko kideak erakunde onuradunarekin partekatzen dituzten beste erakunde batzuek egindako fakturak.

Erakunde onuradunak ez badu BEZ berreskuragarririk, kostuak BEZa barne dela kontabilizatuko dira; bestela, BEZik gabe kontabilizatuko dira.

Horregatik guztiagatik, Bidasoa-Txingudi Mugaz Gaindiko Partzuergoak oinarri hauetan izendatutako Instrukzio Organoak egin ditzakeen ikuskaritza lanen xede izango da proiektuaren ardura duen erakundea edo pertsona.

11- DIRULAGUNTZEN KONTROLA

Instrukzio Organoak, Zuzendaritza Batzordeak eta Partzuergoko Presidenteak egoki irizitako egiaztapen guztiak egiteko eskubidea izango dute, datuen fidagarritasuna eta diru-laguntzen erabilera zuzena egiaztatzeko.



Bidasoa - Txingudi

12- EZ BETETZEA

Jasotako zenbatekoak itzultzeko eta berandutze interesa ordaintzeko eskatuko da, hala badagokio, diru-laguntza ordaintzen den unetik aurrera, honako kasu hauetan:

- a) Diru-laguntza emateko akordioak ezarritako epeak betetzen ez badira
- b) Diru-laguntza emateko xedea betetzen ez bada.
- c) Diru-laguntza lortzen bada horretarako eskatutako baldintzak bete gabe.

Era berean, oinarri hauei eta horien arabera emandako laguntzei aplikagarriak zaizkie Diru-laguntzei buruzko azaroaren 17ko 38/2003 Lege Orokorraren IV. Tituluan arau hausteei eta zehapenei buruzko xedapenak, eta Partzuergoko Lehendakariak abiatu eta ebatzi behar ditu dagozkion espedienteak.

13- INTERPRETAZIOA

Oinarri hauen interpretazioaren inguruan eta emandako laguntzen gauzatzearen eta garapenaren inguruan sor daitekeen edozein zalantza Partzuergoko Presidenteak ebatziko du, Zuzendaritza Batzordeak, instrukzio-organoak aurkeztu ondoren, egindako txostenak ikusita.

Irunen, sinaduraren datan.

PRESIDENTEA

CRISTINA
LABORDA
ALBOLEA -
44550706M

Firmado digitalmente
por CRISTINA
LABORDA ALBOLEA -
44550706M
Fecha: 2025.11.18
14:12:54 +01'00'

